

文溪詞一卷

李公昂

文溪詞

目錄

閨陵玉一調
水龍吟三調
瑞鶴仙一調
菩薩蠻一調
浣溪沙一調

摸魚兒四調
水調歌頭四調
沁園春一調
漁家傲一調
城頭月一調

賀新郎七調
念奴嬌二調
滿江紅二調
西江月一調

文溪詞目錄終

文溪詞目錄

文溪詞

宋 李公昂

蘭陵王


燕穿幕。春在深深院落。單衣試龍沫。旋薰。又怕東風曉寒薄。別來情緒惡。瘦得腰圍柳弱。清明近。正似海棠怯雨。芳踪任飄泊。釵留去年約。恨易老。嬌鶯多誤。靈鵲碧雲杳。渺天涯。各望不。斷芳草。更迷香絮。回文強寫字。屢錯淚。欲注還閣。孤酌住。春脚。便彩局。惟快寶軫。慵學階除。拾取飛花嚼。是多少。春恨等閑。吞卻。猛拍闌干。歎命薄。悔舊諾。

摸魚兒

曉風吹繡簾低舞。霜霏香碎紅雨。燕忙鶯嬾春無賴。嬾爲好花遮護。渾不顧。費多少工夫。做得芳菲聚。休顰百五。卻自恨新年。游疏醉少。光景恁虛度。猊煙瘦。困起庭陰正午。游絲飛絮。無據。千林溼翠。須臾徧。難綠。鬢根霜縷。愁絕處。怎忍聽聲聲杜宇。深深樹。東君寄語。道去也。還來後。期長在。紫陌歲相遇。

又（用古買坡塘旋栽楊柳韻）

微茅堂茂林環翠。苔磯低蘸煙浦。青蘘混入漁家社。斜日斷橋船聚。真樂處。坐芳草瓦尊。滿酒頻頻注。臯禽自舞。慣松徑穿雲。梅村踏雪。朗笑自來去。車乘墜。爭似脩筇穩步。前程回首俱。



誤安閒得在中年好。抱壺尙堪蔬圃。高眼觀。算不識人間寵辱除巢許。風篴解語。應共笑羣狙。無端喜怒。三四計朝暮。

又（五羊郡國築壯猷堂落成）

燒西園粉籠千雉。鏡池屏石天造。主人意匠工收拾。華屋落成開早。翰兔巧。望縹緲五雲深處。移蓬島。油幢羽葆。指貔虎長驅。鯨鯢網取。電走捷旗報。鏡吹發。回廊連屯飲犒。海山波靜煙掃。綸巾蕭散環珠履。春滿綠楊芳草。人境好。是握穗五翁福地無塵到。芝書在道。便整頓乾坤。經營萬宇。棟國要元老。

又（送王子文知太平州）

怪朝來片紅初瘦。半分春事風雨。丹山碧水含離恨。有脚陽春難駐。芳草渡。似叫住東君滿樹。黃鸝語。無端杜宇。報采石磯頭。驚濤屋大。寒色要春護。陽關唱。畫鷁徘徊東渚。相逢知又何處。摩娑老劍雄心在。對酒細評今古。君此去。幾萬里東南隻手擎天柱。長生壽母。更穩步安輿。三槐堂上。好看綵衣舞。

賀新郎（陪廣帥方右史登越峯）

儲谷流明幟。穩飛輿茵柔草碧。蓋欹松翠。遨首意行窮絕頂。綵樹千年勝地。遠峯斷莽蒼煙水。護日晴雲收午暑。颯長風振葉生秋思。籠霧灶。影霞袂。清明官府歌棠芾。且蕭閒事外下看。

玉城珠市。山色驕人逢此客。塵尾霏霏露碎。一笑又羊銜新穗。田野歡聲和氣合。喚觥船猛爲漁占喜。誰會得醉翁意。

又（餞廣帥馬方山赴召）

世羨官高大。又誰知幾多卿相。身榮名壞。我輩相逢無愧色。彼此蒼顏健在。又容易分攜越海。寫出陽關離別恨。看一行雁字斜分界。天下寶。願自愛。白衣蒼狗須臾改。久冥心雞蟲得失。鸚鵡遲快。君帶貂蟬頭上立。老我荷衣草帶。肯此膝向人惟拜。遠餞元非趨炎者。二十年相與形骸外。義金石更堅耐。

又（同年顧君景冲翼經屬官舍。白蓮盛開。招飲水亭。）

誰種藍田玉。碧雲深。亭亭月上。水明溪曲。羞作時妝兒女態。冷淡水餐露沐。出塵外。風標幽獨。除了留侯無此貌。便何郎。傅粉終羈俗。意凝遠。韻清淑。涼臺向晚微風馥。訝銀杯羽化折取。戲浮醺醖。安得梅花如許大。天遣辟除暑溽。渾不覺鷺翹鷗沐。可恨妖妃汗太液。只東林社友。追遊熟。宜夜看。燦瑤燭。

又（賦菊）

細雨黃花說。是天教開遇重陽。玉裁金屑。老行要尋松竹伴。雅愛山翁鬢雪。任滿插追陪節物。惟有淵明吾臭味。傍東籬盤薄芳叢掬。便無酒也清絕。芒寒色正。孤標潔。慣平生餐霜飲露。

倚風迎月。不比芙蓉偏嫵媚。不比茱萸太烈。似隱者瀟閑巖穴。至老枝頭猶健在。笑紛紛紅紫塵沙汨。香耐久。看晚節。

又（錢廣東吳憲燧時持節憲江西）

元日除書溼。到而今西風老矣。駕軺初入。自是龍顏深注想。孤鳳翔而後集。久父老攀留原隰。庾嶺經行梅亦喜。小溪奴背底。惟詩笈。冰雪句。又誰及。昨來容易風雲翕。便三台兩地。也只等閑如拾。天馬不鳴凡馬暗。百步何如五十。況洶洶波濤方急。此去一言回天力。看著高百尺竿頭立。澆磊砢。快鯨吸。

又（再用韻錢吳憲）

過雨璇空溼。浩秋香。光浮桂菊。曉風吹入。柳絮牙檣應小駐。草草還成勝集。又追趁牡車原隰。照座玉人風骨。簪想胸蟠蕊闕琳琅笈。眞作者。世難及。遠山雲霧工開翕。共朱闌徙倚。總好錦囊收拾。老我祇今才思澀。知二爭如知十。更金縷檀敲休急。訪古夷猶行八境。憶朝陽鳴鳳臺端立。筆也醉。硯池吸。

又（丙辰自壽游景泰小隱作）

天地中間大。縱遊登。山臨水。散人一箇。學易已來秋。又六肯趁名韞利鎖。得日日安閑笑過。金馬玉堂也曾到。儘不妨拍手溪頭坐。風簫笠。月蘭舸。今朝記是初生我。近小春黃菊猶葩。

早梅將采拔宅危巔窮勝踐。指點塵寰蟻磨。看湖底飛泉□□松柏蒼□俱壽相。更千年雪鶴鳴相和。安期老舉杯賀。

水龍吟（癸丑江西持憲自壽）

唱恭初意如何。竭來五十三年矣。犁鋤頗熟。詩書粗解。簪紳聊耳。自信柴愚。真成汲黯。卻無劉夙。向高秋初度。同時有菊。淡相對。風霜裏。最癖登山臨水。又何心。蝸名蠅利。俗緣未了。強教肉食。何曾知味。無事微吟。會心微笑。逢場微醉。把生日。只恁安排。領取百十二歲。

又（和吳憲韻。且堅羣孤同游之約）

驛飛穩駕高秋。迎人滿目清新景。秋還有色。芙蓉照水。晨妝對鏡。雪捲寒蘆。字橫過雁。渡浮孤艇。是騷人行處。腔風調月。香滿袖。過梅嶺。斷岸煙收人靜。雨聲乾。桐疏楓冷。掀髯獨笑。仙翁起舞。臥龍呼醒。近小陽春。爲梅也。合遲遲鞭影。更羣孤一笑。追歡。料得坡翁首肯。

又

碧□□□花柳陰稠。綠波痕膩。一聲雷鼓。半空雪浪。雙龍驚起。氣壓鯨鯢。怒掀鱗鬣。壁開爐水。算戰爭蠻觸。雌雄漢楚。總皆一場如此。點額許教借一得頭籌。歡呼震地。翻嗤浮世。要津撓進。奔波逐利。鬪了還休。倩渠銜寄。三閭角黍。會風雲快出。爲霖可但領明珠睡。

水調歌頭（題舫齋）

郭外足幽勝。潮入漲溪流。舫齋小小一葉。老子日遨遊。管領白蘋紅蓼。披戴綠蓑青蒻。直釣任沈浮。玉縷飽鱸膾。雪陣狎沙鷗。箇中眼。箇中坐。箇中謳。箇中收拾詩料。觴客箇中留。休羨乘槎博望。且聽洞簫赤壁。樂處是瀛洲。日月盪雙槳。天地一虛舟。

又（題斗南樓和劉翺齋韻）

萬頃黃灣口。千仞白雲頭。一亭收拾便覺。炎海豁清秋。潮候朝昏來去。山色雨晴濃淡。天末送雙眸。絕域遠煙外。高浪舞連艘。風景別。勝滕閣。壓黃樓。胡牀老子醉揮珠玉。落南州。穩駕大鵬八極。叱起仙羊五石。飛佩過丹邱。一笑人間世。機動早驚鷗。

又（壽參政徐意一）

地位到公輔。著艾過稀年。幾人兼此二美。而況是名賢。松柏蒼然長健。薤桂老來愈辣。勁氣九秋天。鯁鯁嬰鱗語。不改鐵心堅。說武夷。同此月。瑞三仙。公雖居後。環奇偉。特卻光前。續得紫陽脈絡。了卻西山事業。舟楫濟商川。飲對黃花酬一酌。歲三千。

又（題登春巖）

野趣在城市。崛起此臺高。誰移蓬島馮夷。夜半策靈鼈。十萬人家甃碧。四面峯巒湧翠。遠磬拍銀濤。插漢筆雙塔。簌雨葉輕舸。我乘風。時一到。共嬉遊。江山無復偃蹇。彈壓有詩豪。寶劍孤橫星動。鐵笛一聲雲裂。寒月冷宮袍。滄海一杯酒。世界眇鴻毛。

念奴嬌 壽王守母

瑤池高會。見雲香鳳背，風柔鶴膝。天遣月卿來拜舞，新拜璽書增秩。有母能賢，生兒如此，總是前身佛。孫曾戲綵，慈顏一笑開逸。曾向渾尺軒中，共評今古，手寫王言綽。箇裏迺翁棠蔭在，映得梅仙山碧。人愛黃堂，祝萱堂壽，拍拍歡聲溢。明年宣勸，蟠桃大棗庭實。

又（寶祐丁巳閏四月偕十友避暑白雲寺）

麥秋時候，薄陰罩炎日。山行乘興，筇屐追隨多勝侶。青佩黃冠方領，坐石談玄，聽泉濯暑。直上千山頂，倚風長嘯，籟鳴林谷相應。忽湧雲氣漫空，海吹急雨，覺冰練微冷。洗盡人間名利障，便是蓬萊仙境。半日偷閑，一生清福，豈在榮鐘鼎。青燈深夜，陶然獨妙清聖。

瑞鶴仙（甲辰燈夕）

玉城春不夜，映月璧寒流，燭蕙光射。鼇山海雲駕，擁遨頭，簫鼓錦旗紅亞。東風近也，趁樂歲良辰多暇。想陽和早徧南州，暖得柳嬌桃冶。堪畫。紗籠夾道，露重花珠，塵吹蘭麝。歌朋舞社，玉梅轉，鬧蛾耍。且繭占先探，芋郎戲巧，又卜紫姑燈下。聽歡聲，猶自未歸，鉤車寶馬。

沁園春（監司元宵招隱不赴）

纔到中年，節物渾閑，賞心頓輕。據隨分東風，瓶簪柳雪，應時燈夜，棚綴蓮星。自一家春，也三杯酒，巧繭堆香笑語聲。又何須聽，那西樓絃管，南陌簫笙。平生黃卷青燈，肯珠翠奢華，八尺檠。

欲趁隊閑嬉。雕鞍寶馬回頭猛憶。破案囊螢。鄰曲漁歌。庭除鶴舞。塵外冰輪徹骨清。人閑處。這炯方寸。一點長明。

滿江紅（江西持憲節登高作）

薄冷催霜。碧空豁。飛鴻斜度。□九日。御風絕頂。下看塵宇。滕閣芳筵。龍山勝踐。旌旗駐。料山靈也要可人遊。成佳趣。吹帽墮。羞千古。題餞字。非吾侶。卻坐間著得。蓑茶桑苧。萬里寒雲迷北斗。望遠峯。夕照顰西顧。且滿浮大白。送黃花。劍休舞。

又（和劉朔漢節亭韻）

人似梅花。峭玉立。歲寒風節。新圃闢。種梅千樹。幻成南雪。池碎瀑聲。荷捧雨。徑涵秋影。篴篩月。喚石君。錯落坐庭前。紅塵絕。嫌聒耳。簫箏。更慵著眼。俳優狎。但一觴一詠。放懷開闊。涌地池亭工掩映。擎天柱。石甍施設。待枝金顆。可調羹。休輕折。

菩薩蠻（別劉朔齋後寄詞時朔齋抵峽山拾遺詞至）

雲山疊疊雙眸短。夢魂夜趁行人遠。千里共襟期。吟風飲月時。碧溪穿翠峽。雪意蓬蕭颯。安得翅飛來。衝寒同訪梅。

漁家傲

重著夾羅猶怯冷。隔簾拜祝團圓鏡。取片龍涎安古鼎。香閣靜。橫窗寫出梅花影。寒鵲頭枝

飛不定。回紋刺就更籌永。小玉欣眠呼不醒。霜氣緊。麗譙吹動梅花引。

西江月

小鷁載池心月。長虹誇水中天。主人情重客留連。便欲乘風寒殿。霜竹且傳秋信。鏡葉不作春妍。夜涼正好倒金船。朔飲而今再見。

浣溪沙

笏玉纖纖拍扇紈。戲拈荷葉起文鴛。水亭初試小龍團。拜月深深頻祝願。花枝低壓鬢雲偏。倩人解夢笑喧喧。

城頭月 和廣帥馬方山韻。贈斗南樓道士青霞梁彌仙。

工夫作用中宵晝。點化無中有。真氣長存。童顏不改。底用阿磨皺。一身二五之精媾。積得嬰兒就。試問霞翁。三田熟未。還解飛冲否。

文溪詞終

文溪詞跋

花庵詞選云。季俊明。名昂英。號文溪。升庵詞品云。李公昂。名昂英。資州盤石人。余家藏文溪詞。又云。名公昂。字俊明。番禺人。未知孰是。因送太平州太守王子文詞得名。叔陽亦止選此一闕。稱爲詞家射鵰手。用修又極稱蘭陵王一首。可並秦周。余讀摸魚兒諸篇。其佳處豈遜楊柳外。曉風殘月耶。古虞毛晉識。